

LA BELA SAM MO'

Ai pé dla colin-a, sle rive dël Pó,
fiera e gajarda dl'antica soa glória,
dosman a së slarga la bela San Mò,
ninand-se 'nt le aque ch'a canto soa stória!

La ripet an sordin-a l'antich sò cioché,
testimòni fedel dël temp già passà
ansema 'l vej pont, ch'a l'é sempre 'n pé
tenend le doe rive unije e ambrassà!!

Moncanin as drissa da la soa bela Tor,
dasand amportansa a la colin-a fiorija,
e le viëtte stërmà ch'a l'ha tut antorn,
arcòrdo ij bej temp e la grassia soasìa!!

L'antica soa stòria a canta a la neuva,
ch'a së slarga dai brich a la pianura!
San Mò d'ancheuj, la glòria arneuva,
ëd soa gent, ch'a spera 'nt un-a vita sicura!!